

July 9, 2020

Nyob Zoo Cov Niam Txiv thiab Cov Saib Xyuas:

Peb pab District Reopening Committee tau ntsib dua thaum 07/07/2020, thiab peb xav qhia koj tias peb tau tham txog dabtsi. Kuv paub tias daim ntawv no ntev, tab sis kuv xav kom koj nyeem tag nrho. Nws yuav muaj ntau cov lus teb rau qhov koj tab tom xav txog tus kab mom no.

Ua ntej, peb yuav pib kawm ntawv li yav dhau los hnuv 09/01/2020. Peb xav kom cov menyuam tuaj kawm ntawv txhua hnuv - Monday txog Friday. Peb yuav ceev faj nrog txhua tus tub ntxhais kawm hauv qib kawm 4K-12. Peb tab tom tham nrog cov kws kho mob thiab lub Public Health Department. Tam sim no qhov no yog txoj kev zoo tshaj plaws. Cov me nyuam yaus nyob qib kawm 4K-5 thiab River Cities High School yuav qhib ze li qub. Peb cov tsev kawm ntawv loj (WRAMS thiab LHS) tej zaum yuav muaj A / B schedule. Peb tseem tsis paub tseeb lub schedule yuav zoo li cas. Peb xav kom TXHUA tu menyuam nyob hauv tsev kawm txhua hnuv. Koj tus menyuam lub tsev kawm ntawv mam qhia koj paub tias lawv yuav ua dabtsi xyoo no.

Nco ntsoov, peb cov kws kho mob xav kom peb:

- 1) Nyob twj ywm hauv tsev yog koj mob
- 2) Nyob 6 ft ntawm tib neeg
- 3) Ntxuav tes kom ntau
- 4) Tsis txhob kov koj lub ntsej muag
- 5) Npog koj lub ntsej muag thaum koj nrog lwm tus lossis mus tom khw

Peb yuav tau txais 3-5 daim npog ntsej muag rau peb cov tub ntxhais kawm.

Kuv paub txhua tus xav txawv tab sis peb xav kom txhua tus neeg muaj kev nyab xeeb. Txhua tus nais khu yuav tau npog ntsej muag. Cov menyuam tsis tas yuav npog lawv lub ntsej muag tab sis peb cov kws kho mob tau hais rau peb tias nws zoo tshaj plaws. Peb cov nais khu yog neeg laus coob lossis muaj lwm yam mob. Npog peb lub ntsej muag yuav pab tiv thaiv koj tus menyuam thiab lawv tus kws qhia. Lawv xav kom menyuam npog lawv lub ntsej muag 80% ntawm lub sijhawm. Yog tias peb xav kom peb cov menyuam mus kawm pem tsev kawm, peb yuav tsum pab npog ntsej muag. Coob leej niam txiv xav kom lawv cov menyuam rov qab mus kawm tom tsev kawm ntawv.

Peb tau xa ib daim ntawv nug cov niam txiv txog kev kawm ntawv. Peb muaj 532 tus neeg tau teb. 86.5%, 460 ntawm 532 tus neeg, xav xa lawv cov menyuam rov qab mus kawm ntawv peb tsev kawm. Txuas ntxiv, 70.1% (373 ntawm 532) xav kom lawv cov menyuam mus kawm ntawv txhua hnuv - Monday txog Friday. Cov lus nug kawg hais tias yog peb muaj schedule A / B, lawv puas yuav pom zoo. 65.6% (349 ntawm 532) ntawm cov niam txiv teb lawv xav tau lub schedule A/B. Cov menyuam yuav kawm ob peb hnuv pem tsev kawm ntawv tom qab ntawv lawv kawm peb lawv tsev.

Yuav muaj ntau txoj kev rau cov menyuam yog tias lawv tuaj tsis tau peb tsev kawm ntawv rau lub sijhawm lub lossis lub xyoo kawm. Yog tias cov tub ntxhais kawm xaiv mus kawm tom tsev, lawv yuav tsum tau ua txhua yam li lawv nyob peb tsev kawm. Niam txiv tsis tas yuav txiav txim siab tamsis no.

Yog tias cov tub ntxhais kawm xaiv mus kawm tom tsev, lawv yuav tsum ua tiav lawv txoj kev kawm. Yog tias lawv tsis ua lawv cov ntawv tiav, lawv yuav suav tias lawv qhaj ntawv. Yog tias koj tau mob COVID-19 lossis raug hais kom nyob hauv tsev, lawv yuav tsis suav tias yog neeg qhaj ntawv ntau hnuv. Yog tias cov tub ntxhais kawm mob dhau los kawm tsis tau ntawv, lawv yuav tsum tau daim ntawv sau los ntawm kws kho mob.

Yog tias koj thauj koj cov menyuam mus kawm ntawv, peb xav kom koj coj lawv mus txuas ntxiv. Peb tseem muaj npav thauj, tab sis peb xav kom tsis muaj menyuam yaus coob nyob hauv npav. Thaum peb paub ntau ntxiv txog kev caij npav, peb mam qhia nej paub.

### **Cov lus nug rau koj thiab koj tus menyuam**

- Koj lossis koj cov menyuam puas muaj cov mob tshiab lossis txawv rau koj? MUAJ / TSIS MUAJ**

*(Yog tias MUAJ, ces koj yuav tsum hu koj tus kws kho mob / koj tus menyuam tus kws kho mob thiab nyob hauv tsev.)*

- Koj lossis koj cov menyuam puas muaj COVID-19? MUAJ / TSIS MUAJ**

*(Yog tias MUAJ, koj yuav tsum hu koj tus kws kho mob.)*

- Koj lossis koj cov menyuam puas tau nyob ze cov neeg uas muaj tus mob COVID-19 no? TAU / TSIS TAU**

*(Yog tias TAU, koj yuav tsum hu koj tus kws kho mob.)*

- Koj lossis koj cov menyuam puas tau noj tshuaj rau mob npaws ntev dhau 72 teev? TAU / TSIS TAU**

*(Yog tias TAU, koj yuav tsum hu koj tus kws kho mob.)*

Peb txhua lub tsev kawm ntawv tu huv tshaj li yav dhau los. Peb yuav ntxuav chav dej thiab thaj chaw uas cov tub ntxhais kawm kov heev dua. Tsis tas li, peb yuav ua kom peb muaj neeg coob tu lub tsev kawm ntawv.

Peb paub tias thaum menyuam kawm ntawv muaj mob khaub thuas, yuav muaj lus nug. Peb yuav ua haujlwm ze nrog cov kws kho mob. Yog tias cov tub ntxhais kawm ntawv muaj mob me me, qhov zoo tshaj yog cia lawv nyob hauv tsev. Thov hu rau koj tus menyuam lub tsev kawm ntawv kom lawv paub.

Yog tias peb muaj ib tus neeg mob COVID-19 xwb, nws tsis txhais tias tsev kawm yuav raug kaw. Peb tsis paub thaum twg peb yuav tau kaw peb cov tsev kawm ntawv vim COVID-19. Yog

tias cov kws qhia ntawv mob ntau dhau, peb yuav tsum tau kaw lub tsev kawm ntawv. Peb mam qhia koj kom sai li sai tau.

Tib neeg tau nug txog peb lub tsev qub li East Junior High, Vesper thiab Pitsch. Tom qab saib, peb qhib tsis tau cov tsev kawm qub. Peb tsis muaj cov nais khu thiab cov tim neeg ua haujlwm txaus. Txhua yam hauv cov tsev kawm dhau mus rau lwm lub tsev kawm. Nws yuav nyuaj rau cov neeg ua haujlwm vim lawv yuav tau txiav txim saib cov nais khu yuav sib dab tsi thiab lawv yuav tau txav txhua yam rov qab rau hauv lub sijhawm sai sai.

Lub CDC thiab cov koomhaum ntau tau hais tias vim nws tau pib hauv Suav teb tsis txhais tau tias koj yuav tsis muaj mob yooj yim dua. Peb xav kom txhua tus koom ua haujlwm pab kom tsis txhob muaj tu mob no.

Yog koj muaj lub nug thov email lossis hu rau kuv: [craig.broeren@wrps.net](mailto:craig.broeren@wrps.net) lossis 715-424-6701.

Ua tsaug,

Craig Broeren  
Superintendent